

Ա. Բ. ԿԱՐԻՆՅԱՆ

Ս/թ. մայիսի 29-ին կյանքից հեռացավ 1907 թվականից կուսակցության անդամ, երեք հեղափոխությունների մասնակից, կուսակցական ու հասարակական նշանավոր գործիչ, գրաքննադատ և գրականագետ, Հայկական ՍՍՀ գիտության վաստակավոր գործիչ, Հայաստանի գիտությունների ակադեմիայի ակադեմիկոս, սոցիալիստական աշխատանքի հերոս Արտաշես Բալասու Կարինյանը (Գաբրիելյանը)։

Ա. Բ. Կարինյանը ծնվել է 1886 թվականին, Բաքու քաղաքում, նավթահանքերի վարպետի ընտանիքում։ 1905 թվականին ավարտելով Բաքվի գիմնազիան, ընդունվում է Պետերբուրգի համալսարանի իրավաբանական ֆակուլտետը, որն ավարտում է 1910 թվականին։

Տակավի՛ն պատանեկան տարիներին նա սկսում է ակտիվորեն մասնակցել հեղափոխական շարժմանը, բոլշևիկյան պրոպագանդա տանելով բանվորների շրջանում։ 1906 թվականին բոլշևիկյան «Կայծ» թերթում լույս է տեսնում նրա առաջին հոդվածը, որը դառնում է նրա՝ բոլշևիկ հրապարակախոսի մեծ ուղու սկիզբը։

Նա եղել է կուսակցության ականավոր գործիչներ Ս. Շահումյանի, Բ. Կնունյանցի, Ա. Զափարիձեի, Մ. Ազիզբեկովի և մյուսների մերձավոր զինակիցը, և դա վճռական նշանակություն է ունեցել նրա ամբողջ հետագա գործունեության վրա։



1907 թվականին Ա. Բ. Կարինյանը մասնակցում է ՌՍԴԲԿ Պետերբուրգի կոմիտեի կողմից Ֆինլանդիայի Տերիոկի քաղաքում կազմակերպված խորհրդակցությանը, որտեղ նա առաջին անգամ հանդիպում է կուսակցության առաջնորդ Վ. Ի. Լենինի հետ։

1913 թվականին Ա. Բ. Կարինյանը հեղափոխական գործունեության համար ձերբակալվում է Բաքվում և բանտարկությունից հետո արտաքսվում քաղաքից։

Ա. Բ. Կարինյանի գործունեության նշանակալից էջն է նրա աշխատակցությունը լենինյան «Պրավդային» սկսած 1914 թվականից։

Հոկտեմբերյան հեղափոխության հաղթանակից հետո Ա. Կարինյանը ակտիվորեն մասնակցում է Անդրկովկասում սովետական իշխանության հաստատման համար մղվող պայքարին։ 1918 թվականի ապրիլին նա նշանակվում է Բաքվի կոմունայի արդարադատության կոմիտեի, միաժամանակ հանդիսանալով «Եղվեստի» Բակինսկովո սովետառ թերթի խմբագիրը։

Կոմունայի անկումից հետո Ա. Կարինյանը մեկնում է Մոսկվա, որտեղ աշխատակցում է Ազգությունների գործերի ժողկոմատում։ Այնուհետև նա նշանակվում է «Սովետական Կովկաս» ազիտացիոն գնացքի կոմիտեի։

Հայաստանում սովետական իշխանության հաստատումից հետո Ա. Կարինյանը շուտով նշանակվում է հանրապետության արդարադատության ժողովրդական կոմիտեի Այնուհետև գործուղվում է Թուրքիա և ԱՄՆ՝ հայրերի հայրենադարձությունը կազմակերպելու համար։ 1924—1928 թվականներին նա Հայաստանի Կենտգործկոմի նախագահն էր։ Այդ տարիներին նա քանիցս ընտրվել է Հայաստանի կոմկուսի Կենտկոմի կազմում, եղել Համա՛(բ)Կ Անդրերկրկո-

մի, ԱՍՖՍՀ Կենտգործկոմի նախագահության և ՍՍՀՄ Կենտգործկոմի անդամ, Ա. Կարինյանը ընտրվել է Հայաստանի կոմկուսի մի շարք համագումարների պատգամավոր:

Հետագայում Ա. Բ. Կարինյանը նվիրվել է գիտական ու հրապարակախոսական գործունեության:

Ա. Բ. Կարինյանի գրչին են պատկանում բազմաթիվ հիմնարար գիտական աշխատություններ, որոնք նվիրված են հայ պարբերական մամուլի պատմությանը, հայ և ռուս գրողների ստեղծագործության ուսումնասիրմանը: Նա մի շարք բովանդակալից հուշագրական ստեղծագործությունների հեղինակ է:

Ա. Բ. Կարինյանի երկարամյա բեզույն գիտական գործունեությունը բարձր է գնահատվել. նա ընտրվել էր Հայկական ՍՍՀ գիտությունների ակադեմիայի ակադեմիկոս:

1960—63 թվականներին Ա. Բ. Կարինյանը Հայկական ՍՍՀ գիտությունների ակադեմիայի հասարակական գիտությունների բաժանմունքի ակադեմիկոս բարտուղարն էր, իսկ 1963—65 թվականներին՝ ակադեմիայի փոխպրեզիդենտը:

Կուսակցությանը և ժողովրդին մատուցած մեծ ծառայությունների համար Ա. Բ. Կարինյանը արժանացել էր սոցիալիստական աշխատանքի հերոսի բարձր կոչման, պարգևատրվել է ննիին, Հոկտեմբերյան հեղափոխության, Աշխատանքային կարմիր դրոշի շքանշաններով, մեդալներով:

Մեր կուսակցության ավագագույն անդամի, մեծ հայրենասերի, խոշոր գիտնականի, հմայիլ մարդու և ընկերոջ հիշատակը ընգմիշտ կմնա մեր սրտերում:

Կ. Ս. Գեմիբեյան, Բ. Ե. Սարկիսով, Ֆ. Տ. Սարգսյան, Գ. Ն. Անդրեև, Կ. Լ. Գալլաֆյան, Վ. Բ. Ղալավյան, Կ. Հ. Ղամբարյան, Լ. Ն. Ներսիսյան, Լ. Ս. Շուտկո, Ս. Մ. Պետրոսյան, Հ. Մ. Ոսկանյան, Մ. Բ. Արզումանյան, Դ. Ա. Հաբուբյունյան, Գ. Ա. Մարտիրոսյան, Մ. Հ. Մուրադյան, Լ. Գ. Սաճակյան, Մ. Ա. Յուզբաշյան, Վ. Ա. Տուրյան, Հ. Մ. Բաղդասարյան, Ա. Մ. Կիրակոսյան, Ս. Լ. Թումանյան, Հ. Ա. Հայրապետյան, Վ. Մ. Մովսիսյան, Ֆ. Գ. Պետրոսյան, Հ. Ս. Սադոյան, Ռ. Բ. Սվետլովա, Վ. Հ. Համբարձումյան, Ն. Պ. Սաեփանյան, Ա. Դ. Իսախանյան, Ա. Ռ. Հովնանեիսյան, Վ. Վ. Չանբաշյան, Գ. Ա. Գալոյան, Հ. Ռ. Սիմոնյան, Լ. Մ. Կրոյան, Վ. Հ. Պետրոսյան, Հ. Ե. Վարդանյան, Է. Ս. Գաբրիելյան, Ս. Ա. Համբարձումյան, Դ. Գ. Սաուրուս, Տ. Կ. Քոչառլի, Դ. Ա. Սարգսյան, Հ. Տ. Աղանց, Գ. Մ. Ղաբիբյան, Ա. Բ. Նալբանդյան, Վ. Հ. Ղազարյան, Ա. Գ. Նազարով, Գ. Ա. Բրուտյան, Մ. Մ. Զրբաշյան, Հ. Ա. Ավետիսյան, Բ. Ն. Առաքելյան: